

На основи члена 185. пасус 1, а у вязи зоз членом 28. пасус 6. Закона о основах системи образования и воспитания («Службени глашнік РС», число 88/17, 27/18 – др. закон и 6/20) члена 15. и 16. пасус 2., члена 24. пасус 2. и члена 37. пасус 4. Покраїнскей скупштинскей одлуки о покраїнскей управи («Службени новини АП Войводини», число 37/14, 54/14 – др. одлука, 37/16, 29/17, 24/2019 и 66/20), покраїнски секретар, п р и н о ш и:

ПРАВИЛНІК О ШКОЛСКИМ КАЛЕНДАРЕ ЗА ОСНОВНИ ШКОЛИ ЗОЗ ШЕДЗИСКОМ НА ТЕРИТОРИЇ АВТОНОМНЕЙ ПОКРАЇНИ ВОЙВОДИНИ ЗА ШКОЛСКИ 2021/2022. РОК

Член 1.

Зоз тим правилніком ше утвердзує час витворйованя образовно-воспитней роботи под час школского 2021/2022. року и час и тирванє школского розпусту школярох у основних школах зоз шедзиском на териториї Автономней Покраїни Войводини.

Други обовязни и факултативни форми образовно-воспитней роботи яки предвидзени зоз наставним планом и програму за основни школи ше планує з рочним планом роботи.

Член 2.

Наставу и други форми образовно-воспитней роботи у основней школи ше витворює под час двох полрочох.

Перше полроче почина 1. септембра 2021. року, а закончи ше 23. децембра 2021. року. Перше полроче ма 80 наставни дзень.

Друге полроче почина 17. януара 2022. року и закончує ше:

- 7. юния 2022. року, за школярох осмей класи и ма 90 наставни дні и

- 21. юния 2022. року, за школярох од першей по седму класу и ма 100 наставни дні.

Член 3.

Наставни план и програму за школярох од першей по седму класу ше витворює у 36 пейцдньових наставних тижньох, односно 180 наставних дньох.

Наставни план и програму за школярох осмей класи ше витворює у 34 пейцдньових наставних тижньох, односно 170 наставних дньох.

У случаю же, пре загрожену безпечносц и здраве школярох и занятих, школи не у можлівосци витвориц обовязни форми образовно-воспитней роботи у подполним чишле наставних тижньох и наставних дньох на рочним уровню, можливе одступанє до 5% од утвердзеного числа пейцдньових наставних тижньох, односно наставних дньох.

Таблічкови препатрунок школского календару за основни школи зоз шедзиском на териториї Автономней Покраїни Войводини за школски 2021/2022. рок, хтори ше находзи у прилогу того правилніка як його часц, виказани у полрочох и квартално.

Перши квартал ма 40, други 40, а треци 50 наставни дні. Штварти квартал ма 50 наставни дні за школярох од першей по седму класу, а 40 наставни дні за школярох осмей класи, окрем у случаю же пре загрожену безпечносц и здраве школярох и занятих не можливе же би ше дні у тижню, хтори розпоредзени з рочним планом роботи, равномерно розпоредзели.

Член 4.

Основна музична и балетска школа можу окончовац наставу и шейсц наставни дні у тижню, по рочним плану роботи школи у складзе зоз законом.

У случаю же, пре загрожену безпечносц и здраве школярох и занятих, школи не у можливосци витвориц обовязни форми образовно-воспитней роботи у подполним чишле наставних тижньох и наставних дньох на рочним уровню, можливе одступане до 5% од утвержденного числа пейцдньових наставних тижньох, односно наставних дньох.

Член 5.

Под час наставного периода, школа може утвердзиц у своїм рочним плане роботи найвещей штири наставни суботи и то у случаю кед ше:

- наставного дня означуе дзень школи, або
- наставного дня, источашне, за векшу часц школярох школи, реализуе екскурзии, або даяки други активносци
- наставного дня зоз векшину школярох участвуе на даякей спортскей або дружтвеной манифестациї, або школа домашнї змаганя, дружтвеной або спортскей манифестациї, або
- кед пре одсуство векшого числа школярох або занятих, хтори означую вирске швето, або швето националней меншини хторе утвердзел национални совет одредзеной националней меншини у Републики Сербии, на дзень того швета очежане отримоване настави.

Наставна субота на хтору ше надолполное препущену роботу у смислу пасуса 1. того члена, припада истому кварталу як и дзень хтори одредзени як ненаставни.

У шицких других случаюх одступаня од школского календару, школа длужна поступац у складзе зоз членом 28. пасус 5. и 105. пасус 3. и 4. Закона о основах системи образования и воспитаня («Службени глашник РС», число 88/2017, 27/2018 – др. закон, 10/2019 и 6/2020).

Член 6.

Под час школского року школяре маю жимски, ярнї и летнї розпуст.

Жимски розпуст почина 24. децембра 2021. року, а закончи ше 16. януара 2022. року.

Ярнї розпуст почина 15. априла 2022. року, а закончи ше 25. априла 2022. року.

За школярох од першей по седму класу, летнї розпуст почина 22. юния 2022, а закончи ше 31. августа 2022. року. За школярох осмей класи летнї розпуст почина по законченю закончуючого испиту, а закончи ше 31. августа 2022. року.

Член 7.

Термин сообщованя успиху школярох и придаваня школярских кнїжочкох, свидоцтвох и дипломох по законченю першого, односно другого полроча, школа утвердзуе з рочним планом роботи.

Член 8.

У школи ше преславюе державни и вирски швета у складзе зоз Законом о державних и других шветох у Републики Сербии («Службени глашник РС», число 43/01, 101/07 и 92/11).

У школи ше означуе:

- 21. октобер – Дзень здогадованя на сербски жертви у Другей шветовой войны, як работни и наставни дзень

- 8. новембер – Дзень просвітних работнікох
- 11. новембер – Дзень приміря у Першей шветовой войны, як нероботни и ненаставни дзень
- 27. януар – Святы Сава – школска слава, як работни и ненаставни дзень
- 15. фебруар – Стритенис – Дзень державносци, хторе ше означує 15. и 16. фебруара 2022. року, як нероботни дні
- 22. апріл – Дзень здогадованя на жертви холокаусту, геноциду и других жертвох фашизму у Другей шветовой войны, як работни и наставни дзень
- 1. май – Швето работи, яке ше означує 1, 2. и 3. мая 2022. року, як нероботни дні
- 09. май – Дзень побиди як работни и наставни дзень

Член 9.

Школяре и заняти у школи маю право не буц на настави, односно не робиц, на вирски швета:

- Православни вирніки – на перши дзень кресней слави;
- Припадніки вирских заєдніцох хтори означую вирски швета по Григориянским односно Юлианским календаре – на перши дзень Крачуна и Пна вельконоцни швета, починаючи од Вельконоцного пятку заключно зоз другим дньом швета;
- Припадніки исламскей заєдніци – 2. мая 2022. року, на перши дзень Рамазанского байраму и 20. юлия 2022. року, на перши дзень Курбан-байраму.
- Припадніки єврейскей заєдніци – 16. септембра 2021. року, на перши дзень Йом Кипуру и 16. априла 2022. дзень Пасхи або Песах.

Член 10.

Зоз одлуками националних совитох националних меншинох утвєрдзени шлїдуюци национални швета националних меншинох:

- за мадырску националну заєдніцу:
 - * 15. марец – Дзень революції и ошлебодительней борби 1848/49
 - * 20. август – Дзень Святого Стевана и
 - * 23. октобер – Дзень початку революції и ошлебодительней борби 1956. року
- за бошняцку националну заєдніцу:
 - * 11. май – Дзень Бошняцкей националней застави
 - * перши дзень Рамазанского байраму
 - * перши дзень Курбанского байраму и
 - * 20. новембер – Дзень ЗАВНОС.
- за бунєвацку националну заєдніцу:
 - * 2. фебруар – Дзень вельких прадкох
 - * 23. фебруар – Дзень вибору першого Национального совиту
 - * 15. август – Дзень Дужиянци и
 - * 25. новембер – Дзень кєд 1918. року у Новим Садзе отримана Велька Народна скупштина Сєрбох, Бунєвцох и других Славянох
- за горватску националну заєдніцу:
 - * 19. марец – швето Святого Йосипа,
 - * 19. юний – датум народзєня суботицкогo бискупа Ивана Антуновича,

- * 16. октобер – датум народзенья бана Йосипа Слачича и
 - * 15. децембер – датум снованя Горватскей националней ради.
- за румунску националну заедніцу:
- * 15. януар – датум народзенья национального поети Михая Еминескуа,
 - * 4. септембер – швето Велькей Матки Божей,
 - * 1. децембер – Националне швето Румунії и
 - * 7. децембер – Дзень Национального совиту.
- за руску националну заедніцу:
- * 17. януар – Дзень Руснацох.
- за украинску националну заедніцу:
- * 17. май – Дзень украинскей заедніци у Сербії и
 - * 14. октобер – Дзень українских геройох.
- за македонску националну заедніцу:
- * 2. август – Илинден – Дзень повстаня народу Македонії против Туркох,
 - * 8. септембер – Дзень державносци Републики Македонії,
 - * 11. октобер – Дзень борца и
 - * 16. децембер – Дзень Национального совиту.
- за немецку националну заедніцу:
- * 15. децембер – Дзень снованя Национального совиту.
- за ромску националну заедніцу:
- * 14. януар – Василица,
 - * 3. пияток у марцу – Бибия,
 - * 8. април – Медзинародни дзень Ромох и
 - * 6. май – Дзуря.
- за болгарску националну заедніцу:
- * 3. марец – Дзень ошлебодзенья од турского рабства,
 - * 24. май – Дзень Кирила и Мефтода и
 - * 1. новембер – Дзень народних будительох.
- за ческу националну заедніцу:
- * 4. фебруар – Дзень ческей литературы,
 - * 28. марец – Дзень образования,
 - * 16. май – Дзень Национального совиту,
 - * 28. септембер – Дзень Чехох (Св. Вацлав) и
 - * 4. октобер – Дзень ческого языка.
- за словацку националну заедніцу:
- * перши викенд у августу – Дні словацких народних святочносцох.

Член 11.

На жимским розпусту, школа може плановац реализоване додатней и дополнюющей работи зоз школярами.

О чишлє годзинох, облапеню школярох и розпорядку окончованя додатней и дополнюющей работи зоз школярами зоз пасуса 1. того члена, на предкладане наставницькей ради одлучує директор.

Член 12.

Школяре осмей класи буду покладац пробни закончуюци испит пяток, 25.3.2022. року и субботу, 26.3.2022. року, а закончуюци испит стреду, 22.6.2022. року, штварток, 23.6.2022. року и пяток, 24.6.2022. року.

Член 13.

Зоз Рочним планом работи школа обовязна плановац два работни дні на уровню школского року (sobota – 11. септембер або 18. септембер 2021. року у першим полрочу и sobota 14. або 21. май 2022. року у другим полрочу) за организоване и реализацию активносцох з обласци виборних предметох (гражданске воспитанє, вирска настава и др.), звонканаставних активносцох, спортских активносцох, обласци екології и заштити животного штредку, культурно-уметницьких активносцох, як на приклад:

- одход до вирских обектох – церквох, манастирох и храмох,
- одход до музейох и галерийох, памятных збиркох,
- нащива етно хижох, историйних находзискох,
- одход до национального парку, природних резерватах,
- организоване акцийох ожеленьованя и ушореня школи и околїска,
- активносци у локальной заєднїци,
- спортски стретнуца,
- стретнуца школох,
- организовани одход на едукативни и креативни работни,
- организоване мини вигледовацких проєктох,
- забавни медзиодзелєнски дружєня.

Зоз рочим планом работи школа муши утвердзиц дзєнь кед организує нащиву школярох на медзинародни саям образования «Драгокази» у Новим Садзе. Кед тот активносц будзе реализована на наставни дзєнь, школа утвердзи способ надополньованя препущеней образовно-воспитней работи по конец полроча у хторим нащива организована.

Вибор и розпорядок републичних змаганьох школярох основних школох, будзе одредзєне з програму змаганя и смотрох школярох основних школох и Фаховим упутством о организованю змаганя и смотрох школярох основних и штреднїх школох, за школски 2021/22. рок.

За школярох хтори не участвую на змаганьох тоти дні ше рахує як наставни.

Член 14.

Стреду, 6. октобра 2021. року, наставу ше виводзи по розпорядку годзинох за пяток.

Соботу, 2. априла 2022. року, наставу ше виводзи по розпорядку годзинох за пондзелок.

Член 15.

Завод за вредноване квалитету образования и воспитаня у школским 2021/2022. року, запровадзи даскельо медзинародни випитованя:

- ICCS 2022 – у периодзе од 21.3.-21.4.2022. року
- TIMMS – у периодзе 1.3.-15.4.2022. року
- ICILIS – у периодзе од фебруара по април 2022. року.

Член 16.

Тот правилник ступа на моц осмого дня по обявйованю у «Службених новинох АП Войводини», а сходно члену 53. пасус 2. Закона о державней управи («Службени глашник РС», число 79/05, 101/07, 95/10, 99/14, 47/18 и 30/10 – др. закон) будзе обявени и у «Службеним глашнику РС».

Покраїнски секретариат за образоване, предписаня, управу и национални меншини – национални заедници

Число: 128-610-1/2021-01
У Новим Садзе, 28.5.2021. року

ПОКРАЀНСКИ СЕКРЕТАР,

Жолт Сакалаш

ШКОЛСКИ КАЛЕНДАР ЗА ОСНОВНИ ШКОЛИ ЗА ШКОЛСКИ 2021/22. РОК

2021.								2022.							
рт Септембар								рт Јануар							
	П	В	С	Ш	П	С	Н		П	В	С	Ш	П	С	Н
1.			1	2	3	4	5							1*	2*
2.	6	7	8	9	10	11	12		3*	4	5	6	7*	8	9
3.	13	14	15	16	17	18	19		10	11	12	13	14	15	16
4.	20	21	22	23	24	25	26	18.	17	18	19	20	21	22	23
5.	27	28	29	30				19.	24	25	26	27	28	29	30
								20.	31						
22 наставни дні								10 наставни дні							
рт Октобар								рт Фебруар							
	П	В	С	Ш	П	С	Н		П	В	С	Ш	П	С	Н
5.					1	2	3	20.		1	2	3	4	5	6
6.	4	5	6	7	8	9	10	21.	7	8	9	10	11	12	13
7.	11	12	13	14	15	16	17	22.	14	15*	16*	17	18	19	20
8.	18	19	20	21	22	23	24	23.	21	22	23	24	25	26	27
9.	25	26	27	28	29	30	31	24.	28						
21 наставни дзень								17 наставни дні							
рт Новембар								рт Март							
	П	В	С	Ш	П	С	Н		П	В	С	Ш	П	С	Н
10.	1	2	3	4	5	6	7	24.		1	2	3	4	5	6
11.	8	9	10	11*	12	13	14	25.	7	8	9	10	11	12	13
12.	15	16	17	18	19	20	21	26.	14	15	16	17	18	19	20
13.	22	23	24	25	26	27	28	27.	21	22	24	24	25	26	27
14.	29	30						28.	28	29	30	31			
20 наставни дні								23 наставни дні							
рт Децембар								рт Април							
	П	В	С	Ш	П	С	Н		П	В	С	Ш	П	С	Н
14.			1	2	3	4	5	28.					1	2нс	3
15.	6	7	8	9	10	11	12	29.	4	5	6	7	8	9	10
16.	13	14	15	16	17	18	19	30.	11	12	13	14	15*	16*	17*
17.	20	21	22	23	24	25*	26		18*	19	20	21	22*	23*	24*
	27	28	29	30	31			31.	25*	26	27	28	29	30	
17 наставни дні				80 наставни дні				15 наставни дні							

ОБЩИ НАДПОМНУЦА

Школски рок почина на среду **1.9.2021.** року
На среду, 6.10.2021. року наставу ше отрима по розпорядку од пиятку
Перше полроче ше закончує на штварток **23.12.2021.** року
Друге полроче почина на пондзелок, **17.1.2022.** року
На соботу, 2.4.2022. року наставу ше отрима по розпорядку од пондзелку
Ярні розпуст – 15–25.4.2022. року
Школски рок ше закончує:
7.6.2022. року за школярох осмей класи
21.6.2022. року – за за школярох од першей по седму класу.
22-24.6.2022. року – закончуюци испит за школярох осмей класи

1. май Швето работи ше означує **1-3.5.2022.** року

ЛЕГЕНДА:

	Початок и конец полроча и наставного року		Державни швета хтори ше означує роботно (наставни дні)
			Школска слава Святи Сава (роботни, ненаставни дзень)
			Конец кварталу
	Школярски розпуст	РТ	Роботни тидзень
*	Вирске швето	НС	Наставна собота

